

The Ramsey County Medical Examiner's Office (Qhov Chaw Ua Hauj Lwm ntawm Tus Kws Tshuaj Xyuas Kev Ploj Tuag) muab txoj kev hlub thiab kev nkag siab rau cov tsev neeg thaum lub sij hawm uas lawv tau txoj kev txom nyem vim tus neeg lawv hlub tau tso lawv tseg thiab tib lub sij hawm ntawd los kuj yuav ua kom tau raws li lub xeev cov cai hais txog txoj kev tshawb xyuas txog cov kev ploj tuag.

Nyob hauv Minnesota, txhua qhov kev ploj tuag xws li cia li tuag tam sid thiab tuag yam tsis tau npaj ua ntej, nrog rau lwm cov kev tuag uas tsis yog ntuj tsim teb raug, yuav tsum tau muab qhia mus rau Medical Examiner's Office (Qhov Chaw Ua Hauj Lwm Ntawm Tus Kws Tshuaj Xyuas Kev Ploj Tuag) raws li Minnesota Cov Cai (State Statutes) 390.11.

Yog koj muaj lwm cov lus nug uas peb tsis tau muab hais rau hauv phau me nyuam ntawv no, thov hu rau peb ntawm tus xov tooj 651-266-1700.

RAMSEY COUNTY

MEDICAL EXAMINER'S OFFICE

(Qhov Chaw Ua Hauj Lwm ntawm Tus Kws Tshuaj Xyuas Kev Ploj Tuag) ua hauj lwm li yog tus kws tshuaj xyuas txog kev ploj tuag rau Ramsey, Washington thiab lwm cov counties uas muaj ntau tshaj li ntawm kaum ob lub nyob hauv Minnesota. Qhov chaw ua hauj lwm no kuj tseem mus suav sau kom tau tej pov thawj nyob ntawm qhov chaw uas muaj ib tus neeg tau ploj tuag rau tus kws txiav txim tias vim li cas thiaj tuag, tus kws tshuaj xyuas txog kev ploj tuag thiab tub ceev xwm nyob hauv Minnesota thiab Wisconsin.

300 University Ave. E.
Saint Paul, MN 55130
651-266-1700

RCMedicalExaminer@ramseycounty.us

ramseycounty.us/MedicalExaminer



MUAJ NTAWV POV THAWJ UA TAU TXOJ HAUJ LWM LOS NTAWM:

The National Association of Medical Examiners and the International Association of Coroners and Medical Examiners.

RAMSEY COUNTY MEDICAL EXAMINER'S OFFICE

TUS TXHEEJ TXHEEM TSHAWB XYUAS TXOG KEV PLOJ TUAG

Cov lus nug thiab lus teb hais txog qhov kev tshawb xyuas txog ntawm ib tus neeg uas yus hlub txoj kev ploj tuag.

ramseycounty.us

 RAMSEY COUNTY
Medical Examiner

 RAMSEY COUNTY
Medical Examiner

Kuv yuav ua li cas thiaj mus muab tau ib daim ntawv pov thawj neeg tuag?

Lub tsev pam tuag uas koj xaiv yog lub uas muab daim ntawv pov thawj neeg tuag. Koj kuj tseem mus tau rau ntawm qhov chaw ua hauj lwm Public Health Vital Records Office (Chaw Ua Hauj Lwm Khaws Ntawv Pov Thawj Sib Yuav, Yug Los thiab Ploj Tuag) ntawm koj nyob los yog hauv lub xeev kom lawv muab

Leej twg yog tus ua qhov kev tshawb xyuas?

Ib tus ntawm 10 tus neeg ua hauj lwm tshawb xyuas los yog tus thawj tshawb xyuas yuav ua qhov kev tshawb xyuas. Muaj cov neeg ua hauj lwm tshawb xyuas 24 xuj moos hauv ib hnuv, xya hnuv hauv lub lim piam. Cov neeg ua hauj lwm tshawb xyuas yuav mus suav sau kom tau tej ntaub ntawv hais txog tus neeg tuag rau tus kws tshuaj xyuas txog kev ploj tuag thiab cov pab nws nrog xyuas. Tas nrho cov neeg ua hauj lwm tshawb xyuas yuav siv sij hawm ua hauj lwm li yog cov mus suav sau kom tau tej pov thawj nyob ntawm qhov chaw uas tus neeg tau ploj tuag thiab tau kawm kev cob qhia txog kev tshawb xyuas txog kev ploj tuag. Lawv tau ntawv pov thawj los ntawm American Board of Medicolegal Death Investigators.

Puas yuav tsum tau phais tus neeg tuag txhua zaus?

Tsis ua. Muaj ntau tus mas tsis tas yuav phais. Tej zaum kuj yuav tau phais yog hais tias qhov ntawd yog ib qho zoo rau zej tsoom sawv daws thiab pub rau qhov tshawb xyuas tus neeg txoj kev ploj tuag paub tau qhov tseeb.

Thaum twg qhov phais thiaj qhia tau qhov tseeb tias yog vim li cas?

Tom qab ua tiav qhov phais lawm, nws yuav siv sij hawm li ntawm rau mus rau yim lub lim piam mam kuaj tau pom seb yog vim li cas tus neeg thiaj tuag. Nyob rau cov uas yuav tau kuaj ntxiv mas tej zaum yuav siv sij hawm ntev dua thiaj mam paub.

Cov neeg hauv tsev neeg uas muaj cai tau txais ib daim theej ntawm daim ntawv qhia paub txog qhov kev ploj tuag yuav thov tau ib daim uas yog hu mus rau peb qhov chaw ua hauj lwm ntawm tus xov tooj 651-266-1700. Peb yuav muab ib daim theej xa tuaj rau koj, tab sis koj yuav tau them ib qho me nyiaj.

Yog yuav tau phais ne, yuav ua nyob rau qhov twg?

Tas nrho cov kev phais yuav ua nyob rau ntawm Ramsey County Medical Examiner's Office (Qhov Chaw Ua Hauj Lwm Ntawm Tus Kws Tshuaj Xyuas Kev Ploj Tuag) ntawm txoj kev 300 University Ave. E, Saint Paul. Qhov chaw ua hauj lwm yog nyob puab ntawm lub tsev kho mob Regions Hospital hauv downtown Saint Paul.

Leej twg yog tus ua qhov kev phais?

Tas nrho cov kev phais yog ua los ntawm cov kws tshuaj xyuas tus neeg tuag lub cev thiab pab los ntawm cov mus suav sau kom tau tej pov thawj nyob ntawm qhov chaw uas tus neeg tau ploj tuag. Cov neeg no ua hauj lwm nyob hauv Medical Examiner's Office (Qhov Chaw Ua Hauj Lwm Ntawm Tus Kws Tshuaj Xyuas Kev Ploj Tuag). Tas nrho cov kws tshuaj xyuas neeg tuag no tau kawm kev cob qhia txog lawv txoj hauj lwm los lawm thiab paub zoo txog txoj kev tshawb xyuas txog kev ploj tuag.

Thaum twg yog thaum ua qhov kev phais?

Feem ntau, qhov kev phais no yuav ua tib hnuv uas tau qhia paub tias tus neeg tau ploj tuag. Qhov no tej zaum kuj yuav ncuu mus ntev me ntsis yog hais tias yuav tau siv sij hawm thauj tus neeg tuag mus rau ntawm qhov chaw phais. Peb yeej yuav mob siab rau kom ua tiav qhov kev tshuaj tus neeg tuag no kom tsis pub dhau 24 xuj moos tom qab tau qhia paub qhov nws tuag.

Puas muaj qhov muab tej khoom hauv nruab nrog cev pub rau lwm tus?

Muaj. Peb qhov chaw ua hauj lwm tau koom nrog Life Source hais txog qhov pub tej khoom hauv nruab nrog cev rau lwm tus. Peb yeej mob siab rau ua kom mus raws li tus neeg tuag thiab tsev neeg lub siab xav muab.

Kuv tsis kam ua qhov kev phais puas tau?

Tau. Yog koj muaj lus nug txog qhov tias yog vim li cas thiaj yuav tau phais los yog koj tsis kam phais vim los ntawm koj li kev ntseeg, thov hu rau peb qhov chaw ua hauj lwm ntawm tus xov tooj 651-266-1700 es thov tham nrog ib tus neeg ua hauj lwm rau qhov tshawb xyuas kev ploj tuag. Txawm peb yeej yuav ua txhua yam kom mus raws li tsev neeg lub siab xav los, qhov txiav txim siab thaum kawg yuav nce rau ntawm cov luag dej num raws txoj cai ntawm qhov chaw ua hauj lwm thiab lub ntsiab ntawm qhov kev ploj tuag uas tau muab los tshawb xyuas kom paub qhov tseeb.